

78/1



REPUBLIKA E SHQIPËRISË
MINISTRIA E DREJTËSISË

Drejtoria e Përgjithshme e Planifikimit Strategjik dhe Inspektimit të Çështjeve të Drejtësisë
Drejtoria e Inspektimit Gjyqësor dhe Prokurorisë

Nr. 6678 Prot.

Tiranë, më 06 . 11 . 2015

Lënda: Kthim përgjigje kërkesës tuaj për informacion nr.179/15

Drejtuar: Zotit Dorian Matlija
Drejtor Ekzekutiv
Qendra Res Publica

TIRANË

I nderuar z. Matlija,

në përgjigje të kërkesës suaj, protokolluar pranë nesh me nr.prot.6679, datë 26.10.2015, me anë të së cilës kërkon informacion (i) se për cilat procedime disiplinore është bërë kallëzim penal nga ana e Ministrisë së Drejtësisë; (ii) në cilën fazë të procedimit penal ndodhen rastet e kallëzuara nga Ministria e Drejtësisë; (iii) a është marrë ndonjë masë disiplinore ndaj punonjësve përgjegjës për humbjen e dokumenteve, ju bëjmë me dije se:

Ministria e Drejtësisë ka bërë kallëzim penal pranë Prokurorisë së Rrethit Gjyqësor Tiranë për 2 raste të humbjes së dokumentacionit të dërguar nga IKLD-ja për vlerësim Ministrit të Drejtësisë, e cila ka sjellë si pasojë mos vazhdimin e ecurisë së procedimit disiplinor për 2 nga gjyqtarët e cistuar në shkresën tuaj Sh.P dhe E.M.

Rezulton që Prokuroria e Rrethit Gjyqësor Tiranë në datën 19.11.2014 ka vendosur pushimin e procedimit penal nr. 4081/2014, me arsyetimin se, *organi procedues në analizë të faktit dhe të provave të administruara çmon se fakti nuk parashikohet nga ligji si vepër penale. Nga ana e inspektorëve të Ministrisë së Drejtësisë rezulton të jenë kryer të gjitha veprimet për çështjet që i janë ngarkuar për ndjekje, përfshirë njoftimin e gjyqtarëve, analizën e observacioneve përkatëse të këtyre gjyqtarëve dhe përpilimin e Memove drejtuar Ministrit të Drejtësisë. ...Neni 34 i ligjit nr. 9877, datë 18.02.2008 'Për organizimin e pushtetit gjyqësor në Republikën e Shqipërisë', i ndryshuar përcakton se: 'Të drejtën për nisjen e procedimit disiplinor ndaj gjyqtarit në Këshillin e*


Lartë të Drejtësisë e ka Ministri i Drejtësisë. Ky përcaktim lë në diskrecion të plotë të autoritetit të Ministrisë të Drejtësisë nisjen ose jo të procedimit disiplinor ndaj një gjyqtari në Këshillin e Lartë të Drejtësisë. Në këto rrethana kjo kompetencë e Ministrisë të Drejtësisë, e shprehur në mos nisjen e një procedimi disiplinor ndaj një gjyqtari, nuk passjell në asnjë rast përgjegjësi penale.

Në vlerësim dhe interpretim të vendimit të pushimit të organit të prokurorisë, nga ana e Ministrisë së Drejtësisë nuk është iniciuar ndonjë procedurë disiplinore ndaj punonjësve në fjalë.

Duke ju falënderuar për bashkëpunimin

SEKRETARE E PËRGJITHSHME

LLAMBRIOLA MISTO

A handwritten signature in black ink, consisting of several loops and a long trailing line, is written over a circular official stamp. The stamp contains the text "MINISTRIA E DREJTËSISË" around the perimeter.